

**ხელშეკრულება N1**  
**საარქივო მომსახურების გაწევის შესახებ**

**ქ. ოზურგეთი**

**1 იანვარი, 2021 წ.**

ერთი მხრივ, საქართველოს იუსტიციის სამინისტროს სსიპ - საქართველოს ეროვნული არქივი (შემდგომში - მიმწოდებელი) მდებარე: ქ. თბილისი, ვაჟა-ფშაველას გამზირი N1, წარმოდგენილი ეროვნული არქივის ტერიტორიული ორგანო - გურიის რეგიონული არქივის დირექტორის, **ლამზირა ინჭვირველის** სახით და მეორე მხრივ, ქალაქ ოზურგეთის საგანმანათლებლო რესურსცენტრი (შემდგომში - შემსყიდველი) მდებარე: ქ. ოზურგეთი, ვიქტორ დოლიძის ქ N1, წარმოდგენილი მისი უფროსი ლელა იმედაშვილის სახით, „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ზ“ ქვეპუნქტის საფუძველზე ვდებთ წინამდებარე ხელშეკრულებას შემდეგზე:

**1. ხელშეკრულების საგანი**

საარქივო მომსახურების შესყიდვა (CPV კოდი -92512000 - ეროვნული არქივის მიერ ოზურგეთის რაიონის განათლების განყოფილების **1945-2004** წლების საქმეთა დროებითი შენახვა ერთი წლის განმავლობაში, 2021 წლის 01 იანვრიდან 2021 წლის 31 დეკემბრის ჩათვლით, სულ **1404** (ერთი ათას ოთხას ოთხი) შესანახი ერთეული (საქმე).

**2. ხელშეკრულების საერთო ღირებულება**

2.1 წინამდებარე ხელშეკრულების საერთო ღირებულება განისაზღვრება **2808.00** (ორი ათას ორას ოცდაათი) ლარის ოდენობით.

2.2 წინამდებარე ხელშეკრულების მე-2 მუხლის 2.1. პუნქტით განსაზღვრული ღირებულების გაანგარიშებისას გამოიყენება „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის N506 დადგენილების 1 ნაწილის მე-12 პუნქტის „ა“ ქვეპუნქტი.

2.3 წინამდებარე ხელშეკრულების მე-2 მუხლის 2.2. პუნქტში აღნიშნული დადგენილებით, საქმეთა შენახვის ღირებულება დადგენილია საფასურის განაკვეთის მიხედვით, ერთ შესანახ ერთეულზე (საქმეზე) ერთი წლით - 2 (ორი) ლარი დღგ-ს ჩათვლით.

2.4 წინამდებარე ხელშეკრულების პირობების, მათ შორის ღირებულების შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ღირებულების ცვლილება დასაშვებია არაუმეტეს წინამდებარე ხელშეკრულების ჯამური ღირებულების 10%.

**3. ანგარიშსწორების ფორმა და ვადები**

3.1 წინამდებარე ხელშეკრულებით ანგარიშსწორება ხდება უნაღდო ანგარიშსწორებით, ყოველთვიურად, შესაბამისი ანგარიშ-ფაქტურის წარდგენიდან 10 სამუშაო დღის ვადაში.

3.2 უნადლო ანგარიშსწორება ხორციელდება კანონმდებლობით დადგენილი წესით, ეროვნულ ვალუტაში.

#### **4. მხარეთა უფლება-მოვალეობანი**

##### **4.1 მიმწოდებელი ვალდებულია:**

- ა) გაუწიოს საარქივო მომსახურება შემსყიდველს სათანადო ხარისხითა და შესაბამისი ნორმების დაცვით;
- ბ) დაიცვას წინამდებარე ხელშეკრულებაში მითითებული დოკუმენტები დაზიანებისა და შინაარსის გაყალბებისაგან.
- გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე უზრუნველყოს აღმოჩენილი ხარვეზების გამოსწორება.

##### **4.2 მიმწოდებელი უფლებამოსილია:**

მოთხოვოს შემსყიდველს ანაზღაურება „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის N506 დადგენილებისა და წინამდებარე ხელშეკრულების მე-2 და მე-3 მუხლებით დათქმული პირობების დაცვით.

##### **4.3 შემსყიდველი ვალდებულია:**

- ა) გადაუხადოს მიმწოდებელს წინამდებარე ხელშეკრულების მე-2 მუხლის 2.1 პუნქტით განსაზღვრული თანხა, ამავე ხელშეკრულების მე-3 მუხლში დათქმულ მოთხოვნათა შესაბამისად.
- ბ) განიხილოს მიმწოდებლის პრეტენზიები და მიაწოდოს მოტივირებული პასუხი ყველა საკითხზე, აგრეთვე უზრუნველყოს აღმოჩენილი ხარვეზების გამოსწორება.

##### **4.4 შემსყიდველი უფლებამოსილია:**

ნებისმიერ დროს გააკონტროლოს მიმწოდებლის მიერ წინამდებარე ხელშეკრულებით აღებული ვალდებულების შესრულება და ხარისხი.

#### **5. ფორს-მაჟორი**

5.1 მხარის (მხარეთა) მიერ წინამდებარე ხელშეკრულების პირობების დარღვევა არ გამოიწვევს შესაბამის პასუხისმგებლობას თუ აღნიშნული დარღვევა გამოწვეულია ფორს-მაჟორული გარემოებებით.

5.2 ფორს-მაჟორული გარემოება წარმოადგენს მხარეთათვის გადაუღალავ, მათგან დამოუკიდებელ პირობებს (არ არის გამოწვეული მხარეთა არასწორი ქმედებების შედეგად), რომელთა წინასწარ გათვალისწინება შეუძლებელია, კერძოდ: ომი, ეპიდემია, კარანტინი და სხვა.

5.3 ფორს-მაჟორული გარემოების შემთხვევაში მხარემ, რომლისთვისაც შეუძლებელი ხდება წინამდებარე ხელშეკრულებით ნაკისრი ვალდებულებების შესრულება, დაუყოვნებლივ უნდა აცნობოს მეორე მხარეს, წერილობითი ფორმით.

## **6. ხელშეკრულებაში ცვლილებების შეტანა**

6.1 წინამდებარე ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.

6.2 თუ რაიმე, წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების ინიციატორი მხარე ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით.

6.3 ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა ორმხრივი შეთანხმების გზით, რომელიც ფორმდება წერილობითი შეთანხმების სახით.

## **7. ხელშეკრულების შესრულების შეფერხება**

თუ წინამდებარე ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამოც ფერხდება წინამდებარე ხელშეკრულების პირობების შესრულება, შესაბამისმა მხარემ შეფერხების მიზეზების შესახებ დაუყოვნებლივ უნდა აცნობოს მეორე მხარეს წერილობითი ფორმით.

## **8. ხელშეკრულების შეწყვეტის პირობები**

8.1 მხარეებს შეუძლიათ ვადამდე შეწყვიტონ წინამდებარე ხელშეკრულება შემდეგ შემთხვევებში:

ა) მიმწოდებელი უფლებამოსილია შეწყვიტოს წინამდებარე ხელშეკრულება თუ აღმოჩნდა, რომ შემსყიდველი ვერ უზრუნველყოფს წინამდებარე ხელშეკრულებით გათვალისწინებული თანხის გადახდას;

ბ) შემსყიდველი უფლებამოსილია შეწყვიტოს წინამდებარე ხელშეკრულება მიმწოდებლის მიერ წინამდებარე ხელშეკრულების ნაკისრი ვალდებულების შეუსრულებლობის ან/და არაჯეროვნად შესრულების შემთხვევაში;

გ) ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე;

დ) საქართველოს კანონმდებლობით განსაზღვრულ სხვა შემთხვევებში.

8.2 წინამდებარე ხელშეკრულების შეწყვეტის ინიციატორი ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით, წინამდებარე ხელშეკრულების შეწყვეტამდე 10 სამუშაო დღით ადრე;

8.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს ხელშეკრულებით გათვალისწინებული ვალდებულებების შესრულებისაგან.

## **9. ხელშეკრულების პირობების შეუსრულებლობა და ინსპექტირება**

9.1 ფორს-მაჟორული გარემოების გარდა, შემსყიდველის/მიმწოდებლის მიერ წინამდებარე ხელშეკრულების შესრულების ვადების გადაცდენის შემთხვევაში, შემსყიდველი/მიმწოდებელი ყოველი ვადაგადაცილებული დღისთვის მიმწოდებელს/შემსყიდველს უხდის პირგასამტეხლოს ყოველ ვადაგადაცილებულ დღეზე შეუსრულებელი ვალდებულების 0,02 %-ის ოდენობით.

9.2 პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულებისაგან.

9.3 შემსყიდველი უფლებამოსილია, ხოლო მიმწოდებელი თანახმაა ხელშეკრულების პირობების დარღვევის გამო დაკისრებული პირგასამტეხლოს თანხა (ასეთის არსებობის შემთხვევაში)

მიმწოდებელზე გადასარიცხი თანხიდან გადარიცხოს მიმწოდებლის სახელით სახელმწიფო ხაზინის შესაბამის სახაზინო კოდეზ/ანგარიშზე.

9.4 იმ შემთხვევაში, თუ შემსყიდველზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, მიმწოდებელი იტოვებს უფლებას შეწყვიტოს ხელშეკრულება და მოსთხოვოს შემსყიდველს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.5 წინამდებარე ხელშეკრულებით გათვალისწინებული პირობების შესაბამისად, პირგასამტეხლოს დაკისრება ხორციელდება მხარეთა შეთანხმების გზით, რომელიც ფორმდება წერილობითი შეთანხმების სახით.

9.6 წინამდებარე ხელშეკრულების შესრულების კონტროლს ეროვნული არქივის მხრიდან განახორციელებს - გურიის რეგიონული არქივის დირექტორი, ან მისი მოვალეობის შემსრულებელი.

## 10. დავის გადაწყვეტა

10.1 მხარეთა შორის წამოჭრილი დავა წყდება ურთიერთშეთანხმებით.

10.2 ურთიერთშეთანხმებით დავის გადაჭრის შეუძლებლობის შემთხვევაში, ნებისმიერი მხარე უფლებამოსილია დავის გადასაჭრელად დადგენილი წესით მიმართოს სასამართლოს.

## 11. ხელშეკრულების მოქმედების ვადა

წინამდებარე ხელშეკრულება ძალაში შედის 2021 წლის 01 იანვრიდან და მოქმედებს 2022 წლის 31 იანვრის ჩათვლით.

## 12. დასკვნითი დებულებები

12.1 წინამდებარე ხელშეკრულება შედგენილია, განიმარტება და რეგულირდება საქართველოს მოქმედი კანონმდებლობის შესაბამისად.

12.2 წინამდებარე ხელშეკრულება შედგენილია ქართულ ენაზე, ელექტრონულად და დადასტურებულია კვალიფიციური ელექტრონული ხელმოწერით ან/და ელექტრონული შტამპით.

## 13. მხარეთა რეკვიზიტები

### მიმწოდებელი

სსიპ - საქართველოს ეროვნული არქივი

ს/კ 211358957

მომღები ბანკი: სახელმწიფო ხაზინა

მომღების დასახელება: ხაზინის ერთიანი ანგარიში

ბანკის კოდი: TRESGE22

ანგარიშის ნომერი: 707447080

ტელ.: 577 340 535

გურიის რეგიონული არქივი

ლამზირა ინჭკირველი

### შემსყიდველი

ქალაქ ოზურგეთის საგანმანათლებლო

რესურსცენტრი

ს/კ 237079219

სახელმწიფო ხაზინა სს „თიბისი ბანკი“ ბანკის

კოდი TRESGE22 ბანკის კოდი: TBCBGE22 ხაზინის

ერთიანი ანგარიში, მიმღების ანგარიში

200122900 /სახაზინო კოდი 302009921

ორგანიზაციული კოდი 32 01 02 61

ტელ.: 577415955

უფროსი ლელა იმედაშვილი